



14/06/2024



MES 3 24 0000672449

## გადაწყვეტილება

სსიპ - სამცხე - ჯავახეთის სახელმწიფო უნივერსიტეტის "ვეტერინარიის" სადოქტორო  
საგანმანათლებლო პროგრამის აკრედიტაციის შესახებ

### 1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულების“ 27<sup>2</sup> მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27<sup>5</sup> მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27<sup>5</sup> მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ, თუ „უმაღლესი განათლების შესახებ“ საქართველოს კანონის 66-ე მუხლის მე-4 პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის მე-8 პუნქტისა და აკრედიტაციის დებულების 27<sup>6</sup> მუხლის პირველი პუნქტის „ა“ ქვეპუნქტის შესაბამისად, საგანმანათლებლო პროგრამის პირველი და ყოველი მომდევნო აკრედიტაციის შემთხვევაში, საგანმანათლებლო პროგრამა აკრედიტაციის სტანდარტებთან შესაბამისობის შეფასებისას, ყველა სტანდარტთან მიმართებით საბჭოს მიერ შეფასდა, როგორც „სრულად ან/და მეტწილად შესაბამისობაშია სტანდარტის მოთხოვნებთან“.

1.3. „აკრედიტაციის დებულების“ 27<sup>5</sup>-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მაძიებელს მისცეს რეკომენდაციები.

1.4. „აკრედიტაციის დებულების“ 27<sup>6</sup>-ე მუხლის პირველი პუნქტის „ბ“ ქვეპუნქტის თანახმად, ერთ სტანდარტთან მიმართებით მაინც შეფასდა, როგორც „მეტწილად შესაბამისობაშია

სტანდარტის მოთხოვნებთან” და არცერთ სტანდარტთან მიმართებით არ შეფასდება, როგორც „ნაწილობრივ შესაბამისობაშია სტანდარტის მოთხოვნებთან “ან არ არის შესაბამისობაში სტანდარტის მოთხოვნებთან“, საბჭო იღებს გადაწყვეტილებას აკრედიტაციის შესახებ და დაწესებულებას განუსაზღვრავს ვადას მიღებული რეკომენდაციების შესრულების თაობაზე ანგარიშის წარსადგენად, რაც აისახება საბჭოს სხდომის ოქმში.

## 2. აღწერილობითი ნაწილი და დასაბუთება

2.1. სსიპ - განათლების ხარისხის განვითარების ეროვნულ ცენტრში (შემდგომში - ცენტრი) 2023 წლის 3 ნოემბერს წარმოდგენილ იქნა სსიპ - სამცხე-ჯავახეთის სახელმწიფო უნივერსიტეტის № 1493532 წერილი, რომლითაც დაწესებულებამ წარმოადგინა სააკრედიტაციო განაცხადი "ვეტერინარიის" სადოქტორო საგანმანათლებლო პროგრამის თაობაზე.

2.2. ცენტრის 2023 წლის 21 დეკემბრის №1750552 ბრძანების საფუძველზე, სსიპ - სამცხე-ჯავახეთის სახელმწიფო უნივერსიტეტი ცნობილ იქნა აკრედიტაციის მაძიებლად. ცენტრის 2024 წლის 28 თებერვლის №229813 ბრძანების საფუძველზე შეიქმნა ექსპერტთა ჯგუფი, რომელმაც დაწესებულებაში ვიზიტი „ვეტერინარიის" სადოქტორო საგანმანათლებლო პროგრამის შეფასების მიზნით განახორციელა 2024 წლის 14 და 15 მარტს. ექსპერტთა ჯგუფის მიერ წარმოდგენილი დასკვნის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა	<b>x</b>			
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა	<b>x</b>			
3. სტუდენტთა მიღწევები, მათთან ინდივიდუალური მუშაობა	<b>x</b>			
4. სწავლების რესურსებით უზრუნველყოფა		<b>x</b>		
5. სწავლების ხარისხის განვითარების შესაძლებლობები	<b>x</b>			

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4 ზეპირი მოსმენა გაიმართა **2024 წლის 31 მაისს**. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე, სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ გაიზიარა ექსპერტთა დასკვნაში ასახული საერთო შეფასებები, თუმცა საბჭომ ზეპირი განხილვის საფუძველზე შეფასებასთან დაკავშირებით განახორციელა შემდეგი ცვლილებები:

- რეკომენდაცია - უცხოელი კოლეგების ჩართვა ხელმძღვანელობის/ თანახელმძღვანელობის პროცესში - საბჭომ გადაიტანა რჩევაში;
- სტანდარტის 1.5 კომპონენტთან საბჭომ დაამატა რეკომენდაცია - „რეკომენდებულია, სასწავლო კომპონენტის სილაბუსებში სავალდებულო ლიტერატურის ჩამონათვალის განახლება და შესაბამისად, უახლესი ქართული და ინგლისურენოვანი ლიტერატურის/პუბლიკაციების მითითება. შესაბამისად სტანდარტის 1.5 კომპონენტი ნაცვლად „შესაბამისობაშია აკრედიტაციის სტანდარტის მოთხოვნებთან“ განისაზღვრა როგორც „მეტწილად შესაბამისობაშია აკრედიტაციის სტანდარტის მოთხოვნებთან“. 1.5 კომპონენტის ცვლილებას გავლენა არ მოუხდენია მთლიანი პირველი სტანდარტის შეფასებაზე.
- დააფორმულირა მე - 2 რეკომენდაცია და ჩამოაყალიბა შემდეგი სახით - რეკომენდებულია, გადაიხედოს არსებული განსხვავებები სილაბუსებსა და საბოლოო შეფასების ფორმებში წარმოდგენილ შეფასების მეთოდებს შორის და განისაზღვროს მათი გადაჭრის გზები.
- დააფორმულირა მე - 6 რეკომენდაცია და ჩამოაყალიბდა შემდეგის სახით - რეკომენდებულია, უნივერსიტეტის კვლევითი რესურსები, მათ შორის ვეტერინალური კლინიკა, დაუყონებლივ განახლდეს, რათა უპასუხოს ვეტერინარიის დარგის საერთაშორისო სამეცნიერო კვლევების არსებულ გამოწვევებს, რაც ასევე მნიშვნელოვანია, პროგრამის სასწავლო გეგმით განსაზღვრული არჩევითი სასწავლო კურსების განხორციელების უზრუნველყოფისათვის.

### 3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 27<sup>2</sup> -ე მუხლის პირველი პუნქტის, 27<sup>5</sup> -ე მუხლის პირველი პუნქტის „ა“ ქვეპუნქტისა და მე-5 პუნქტის, 27<sup>6</sup> -ე მუხლის პირველი პუნქტის „ბ“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ განათლების ხარისხის განვითარების ეროვნული ცენტრის დირექტორის 2011 წლის 01 ივნისის №223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ 12 ხმით არცერთის წინააღმდეგ:

#### გადაწყვიტა:

1. დაკმაყოფილდეს სსიპ - სამცხე - ჯავახეთის სახელმწიფო უნივერსიტეტის მიერ წარმოდგენილი სააკრედიტაციო განაცხადი და დანართი №1-ით გათვალისწინებულ „ვეტერინარიის“ სადოქტორო საგანმანათლებლო პროგრამას მიენიჭოს აკრედიტაცია 2025 წლის 31 დეკემბრამდე 1 წელიწადში რეკომენდაციების შესრულების თაობაზე ანგარიშის წარმოდგენით.

2. ცნობილ იქნას აკრედიტაციის ექსპერტთა ჯგუფის დასკვნა „ვეტერინარიის“ სადოქტორო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი №2).
3. ცნობილ იქნას საბჭოს 2024 წლის 14 ივნისის №672268 ოქმის № 01 ნაწილი ამ გადაწყვეტილების განუყოფელ ნაწილად (დანართი №3).
4. **დაწესებულებას საბჭომ შესასრულებლად განუსაზღვრა შემდეგი რეკომენდაციები და რჩევები:**

#### **რეკომენდაციები:**

- რეკომენდებულია „ვეტერინარიის სადოქტორო საგანმანათლებლო პროგრამისა და სადისერტაციო საბჭოს დებულების“ მე-13 მუხლის „ვ“ კომპონენტის შეცვლა და მისი უფრო მკაფიოდ ჩამოყალიბება;
- რეკომენდებულია, გადაიხედოს არსებული განსხვავებები სილაბუსებსა და საბოლოო შეფასების ფორმებში წარმოდგენილ შეფასების მეთოდებს შორის და განისაზღვროს მათი გადაჭრის გზები.რის გზების გადახედვა;
- რეკომენდებულია აქცენტი გაკეთდეს უახლესი სამეცნიერო აქტივობისა და მაღალი სამეცნიერო გავლენის მქონე ჟურნალებში პუბლიკაციების მნიშვნელობაზე/ მოთხოვნაზე სამეცნიერო ხელმძღვანელებისთვის;
- რეკომენდებულია დოქტორანტების პოტენციურ ხელმძღვანელს მოეთხოვოს მინიმუმ ერთი სამეცნიერო სტატიის გამოყვეყნება შესაბამის, მაღალი სამეცნიერო გავლენის მქონე ჟურნალში ბოლო 5 წლის განმავლობაში;
- რეკომენდებულია, უნივერსიტეტის კვლევითი რესურსები, მათ შორის ვეტერინალური კლინიკა, დაუყონებლივ განახლდეს, რათა უპასუხოს ვეტერინარიის დარგის საერთაშორისო სამეცნიერო კვლევების არსებულ გამოწვევებს, რაც ასევე მნიშვნელოვანია, პროგრამის სასწავლო გეგმით განსაზღვრული არჩევითი სასწავლო კურსების განხორციელების უზრუნველყოფისათვის.

#### **რჩევები:**

- სასურველია უცხოელი კოლეგების ჩართვა ხელმძღვანელობის/ თანახელმძღვანელობის პროცესში;
- სასურველია გაიზარდოს ინტეგრირებულ პროგრამაში სტუდენტების ჩარიცხვისა და რეკრუტირების და სხვა კვალიფიციური წყაროების ეფექტურობა;
- სასურველია შენარჩუნდეს ხარისხის უზრუნველყოფის აქტიური სისტემა სტუდენტის მუშაობის შესაფასებლად როგორც არჩევით, ისე არაარჩევით საგნებში, ასევე სამეცნიერო კვლევის კომპონენტებში;
- სასურველია, რომ მაღალი სამეცნიერო გავლენის მქონე ჟურნალები შეირჩეს დასავლეთ ევროპის ქვეყნებიდან;
- სასურველია საერთაშორისო პარტნიორების ჩართვა სადოქტორო პროგრამის სტუდენტების პროფესიული და სამეცნიერო განვითარების ხელშემწყობ პროცედურებში;
- სასურველია გაიზარდოს მონაწილეობა საერთაშორისო პროექტებში, ღონისძიებებში, კვლევით სტიპენდიებში;
- სასურველია ხარისხის უზრუნველყოფის ღონისძიებები მოერგოს სადოქტორო პროგრამას, განსაკუთრებით იმისთვის, რომ სტუდენტებმა დაასრულონ PDCA ციკლი, ხოლო აკადემიურმა პერსონალმა ობიექტური ინდიკატორებით შეძლოს კვლევის შესაძლებლობებისა და გავლენის გაზრდა;

- სასურველია პროგრამის პერიოდულად შედარება უცხოეთის უნივერსიტეტების მსგავს პროგრამებთან.

5. საბჭოს აღნიშნული გადაწყვეტილება ძალაში შევიდეს 2024 წლის 14 ივნისს.

6. რეკომენდაციების შესრულების შესახებ ანგარიშის წარმოდგენის ვადად განისაზღვროს 2025 წლის 14 ივნისი

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24<sup>1</sup> მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ. თბილისი, მ. ალექსიძის მე-2 შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი N64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე ([www.eqe.ge](http://www.eqe.ge)) გამოქვეყნების დღიდან, ერთი თვის ვადაში.

საგანმანათლებლო პროგრამების აკრედიტაციის საბჭო  
საბჭოს თავმჯდომარე  
ლომინაძე თამარ

საგანმანათლებლო პროგრამების აკრედიტაციის საბჭო  
საბჭოს წევრი  
სხდომის მდივანი  
ქუთათელაძე ქეთევან



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება	ვეტერინარია/ Veterinary Medicine
2	ერთობლივი უმაღლესი საგანმანათლებლო პროგრამა	-
3	სტატუსი	პირობით აკრედიტებული
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	№1425389, 04.11.2022
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება	ვეტერინარია/ Veterinary Medicine
6	უმაღლესი განათლების საფეხური	დოქტორანტურა
7	დაშვების წინაპირობები	-
8	კვალიფიკაციის დონე	მე - 8
9	კვალიფიკაციის დასახელება	ვეტერინარიის დოქტორი PhD in Veterinary Medicine
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	-
11	დეტალური სფეროს დასახელება და კოდი (ISCED – F – 2013)	0841 ვეტერინარია
12	სწავლების ენა	ქართული
13	ECTS კრედიტების ჯამური რაოდენობა	50
14	განხორციელების ადგილი	ქ. ახალციხე, რუსთაველის ქ.122ა უნივერსიტეტის II კორპუსი. საქართველო 0800
15	მსჯავრდებულ აბიტურიენტთა საგანმანათლებლო პროგრამაზე სწავლა - სწავლების უფლებამოსილება	-
16	ამ გადაწყვეტილების ძალაში შესვლის თარიღი	2024 წლის 14 ივნისი
17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა	1 წელი - 2025 წლის 14 ივნისამდე
18	აკრედიტაციის ვადის გასვლის თარიღი	2025 წლის 31 დეკემბერი